

Nr 785

## Eana- ja meahccedoalloministeriija ášahus boazodoallojagi 2001/2002 ealliguovdosaš doarjagis, mii máksojuvvo

Addojuvvon Helssegis 5 beaivve čakčamánu 2001

---

Eana- ja meahccedoalloministeriija mearrádusa mielde ášahuvvo 30 beaivve skábmamánu 1994 eana- ja šaddogárdedoalu nášuvnnaš doarjagis addojuvvon lága (1059/1994) 3 §:a 2 momeantta vuodul:

1 §

### *Doarjaga sturrodát*

Boazooamasteaddjiide oaivvilduvvon ealliguovdosaš doarjaga sturrodát lea 120 márkki lohko-bohcco ala. Dát máksojuvvo boazodoallojagi 2001/2002 oaivvilduvvon ealliguovdosaš doarjagis, mii lea addojuvvon stáhtarádi ášahusa (505/2001) 1 §:a 1 momeanttas.

2 §

### *Doarjaga oažžuma gáibádusat*

Bálgosat galget doarjaga sisa gullelaš boazoloid gávnaheami dihte doaimmahit bargofápmo- ja ealáhusguovddážiid eanadoalloossodagaige jagi 2000/2001 boazologahallamiid, njuovvanplánaid ja logahallamiid njuovvojuvvon boazomeriin.

3 §

### *Doarjaga ohcan*

Doarjaga galgá ohcat borramusgácciid guovdu dahkkojuvvon girjjálaš skoviin (Sknr 227). Ohcamuša galgá guoddit bargofápmo- ja ealáhusguovddáža eanadoalloossodahkii dahje gieldda eananguovloaláhuseiseváldái, gean doaibmaguovllus ohcci bálgosa ruoktobáiki lea.

Doarjaga miedehan eiseváldi sáhtá miedehit ja máksit doarjaga maŋnonan ohcamuša vuodul, jus maŋnoneapmi lea unni dahje jus maŋnoneapmai lea dohkkehahtti sivva.

4 §

### *Doarjaga máksin*

Bargofápmo- ja ealáhusguovddáža eanadoalloossodat máksá dán ášahusas oaivvilduvvon doarjaga bänkointui, man ohcci lea almmuhan.

5 §

### *Jahkásaš sisaboáđut*

Jahkásaš sisaboáđuin oaivvilduvvo stáhtavearuhusas vearuhuvvon boazo- dahje luondduealáhuseiseváldái eana- ja meahccedoalu olggobeale kapitálahage dienasboáđuid.

6 §

### *Doarjaga gohcin*

Bargofápmo- ja ealáhusguovddáža eanadoalloossodat sáhtá geavahit veahkkin Bálkosiid ovtastusa, bálgosiid ja gielddaid eananguovloaláhuseiseváldiid dán ášahusas oaivvilduvvon doarjaga administratiivii gullelaš áššiin. Doarjaga ohcicit galget dárbbu mielde addit eiseváldái daid dieđuid, mat leat dárbblašlaččat áššiid gohcmis, mat leat eaktun doarjaga miedeheamis ja máksimis.

Doarjjamearrádusa vuigen, gohcin ja suollema-sasdoallama beales čuvvojuvvo, mii eananguovloaláhuseiseváldái doarjjabargguid dikšumis lea ášahuvvon čuovvut lága (1336/1992) mielde. Dan lassin galgá heivvolaš osiin čuovvut maiddái rávvagiid ja mearrádusaid, maid eana- ja meahccedoalloministeriija lea addán nášuvnnaš doarjagiid miedeheamis ja gohcmis.

## 7 §

*Nuppástusa ohcan*

Dán ášahusas oaivvilduvvon doarjaga guoskevaš mearrádussii oažžu ohcat nuppástusa dan ortnegis, go eananguovloaláhusaid doarjjadoaimmaid dikšuma meannudeamis lea lága bokte ásahuvvon.

Helssegis 5 beaivve čakčámánu 2001

## 8 §

*Fápmuiboahhtin*

Dát ášahus bohtá fábmui 12 beaivve čakčámánus 2001.

Eana- ja meahccedoalloministtar *Kalevi Hemilä*

Allagohcci Outi Kostama